

17 《大乘無量壽經解》 至心精進第五之二

佛陀教育基金會 假日佛學院
2025 年 09 月 06 日

南無本師釋迦牟尼佛（三稱）

（開經偈）

無上甚深微妙法

百千萬劫難遭遇

我今見聞得受持

願解如來真實義

複習【法藏因地第四】之二 (23/32)

假令供養恆沙聖 不如堅勇求正覺

《行願品》曰：善男子！諸供養中，法供養最！

所謂如說修行供養；利益眾生供養；
攝受眾生供養；代眾生苦供養；勤修善根供養；
不捨菩薩業供養；不離菩提心供養。

善男子！如前供養無量功德，比法供養一念功德，
百分不及一，千分不及一，百千俱胝那由他分、
迦羅分、算分、數分、喻分、
優婆尼沙陀分，亦不及一。何以故？
以諸如來尊重法故；以如說行，出生諸佛故。

若諸菩薩行法供養，則得成就供養如來。
如是修行，是真供養故。

二、正宗分

一、 彌陀因地 殊勝願行	法藏勝因	法藏因地第四(時劫悲願)
		至心精進第五(攝受佛土)
	殊勝大願	發大誓願第六(四八大願)
		必成正覺第七(立誓自要)
	從願起行	積功累德第八(修菩薩道)
	果德成就	圓滿成就第九(佛土法身)
		皆願作佛第十(聞經緣勝)
	二、極樂依正・清淨莊嚴	
三、三輩往生・菩薩禮供		
四、二土欣厭・重重誨勉		
五、得失雙辨・攝聖顯智		

至心精進第五・科判

一、法藏宏願請法，勝諸佛國，願能滿否？

法藏比丘，說此偈已……
諸佛國者，寧可得否？

二、佛答必得。一切不離自心故，須自知自攝。

世間自在王佛……
清淨佛國，汝應自攝。

三、再度啟請，如來為說。求法得法。

法藏白言：斯義宏深……
說是法時，經千億歲。

四、依法修持，思惟修習五劫，成就大願。

爾時法藏，聞佛所說……
所攝佛國，超過於彼。

五、如來深喜，教令宣揚。

既攝受已，復詣……
滿足無量大願。

【至心精進第五】 經文之三（夏會本）

法藏白言：斯義宏深，**非我境界**。

惟願如來應正徧知，廣演諸佛無量妙刹。
若我得聞，如是等法，思惟修習，誓滿所願。

世間自在王佛知其高明，志願深廣。

即為宣說**二百一十億**諸佛刹土，

功德嚴淨、廣大圓滿之相。

應其心願，悉現與之。說是法時，**經千億歲**。

【至心精進第五】 經文之三（魏譯本）

比丘白佛：『斯義弘深，**非我境界**。
唯願世尊，廣為敷演，諸佛如來淨土之行。
我聞此已，當如說修行，成滿所願。』

於是，世自在王佛
即為廣說**二百一十億**諸佛剎土
天人之善惡、國土之粗妙，
應其心願，悉現與之。

【至心精進第五】之三 (1/15)

斯義宏深，非我境界，惟願如來應正徧知，廣演……

「斯」，此也。「宏」，大也。

「境」者，心之所遊履攀緣者，謂之境。

如色為眼識所遊履，謂之色境。

乃至法為意識所遊履，謂之法境。

又實相之理，為妙智遊履之所，亦稱為境，亦屬法境。

「界」者，界域。「境界」，指所觀之境、之界域。

又《無量壽經箋註》曰：「自家勢力所及之境土，
又我所得之果報界域，謂之境界。」

「演」宣說也。

「如來應正徧知」，即如來、應供、正徧知，
乃佛十號中之三號。此乃簡稱，以代表佛之十號。

【至心精進第五】之三 (2/15)

此段**大意**為：法藏菩薩答曰，此義太深，超我**境界**（若通俗，勉強可作**水平**解），於是再度請佛廣說無量佛刹，我若聞後，定能如法修習，圓滿所願。

峻諦師云：

「斯義弘深，非我境界者，亦有三意：

一謂菩薩**常途淨土**之行，我已知之，今欲得諸佛土之中**最勝淨土**，斯義弘深，非我境界。

二謂實雖**隨各自樂欲**，應攝取之。

今欲**五乘齊入報土**，斯義弘深，非我境界。

（報土乃法身大士所居，今令二乘、人天乘齊入報土，故非凡情所能測。）

【至心精進第五】之三 (3/15)

三謂雖法報高妙，非菩薩之分，

我能經無量劫，當克獲之。

(法報二身，經無量劫必可悟證，

但當下尚非其分，故下云非我境界。)

斯義弘深（廣大謂弘，幽邃謂深），非我境界也。

雖有三義不同，拋卻己分，專歸佛力，

斯乃法藏菩薩自開他力門也。」

峻諦師「開他力門」之說，正明淨宗超情離見，

不可思議，究竟方便，果覺因心之無上妙諦。

【至心精進第五】之三 (4/15)

茲粗釋之。

伊謂法藏菩薩云「**非我境界**」者，共有三意：

一、我雖已知諸菩薩攝集**一般淨土**之行，但今欲攝**最勝淨土**，超過諸佛國土，故「**非我境界**」。

二、應攝之淨土，其實際雖**依本人各自之願樂**，但今**欲五乘行人皆能生報佛之國土**，乃十方之所無，故「**非我境界**」。五乘者：一人天乘，二聲聞乘，

三緣覺乘，四菩薩乘，五佛乘(即如來乘)。

今欲令五乘行人同入報佛之土，迥異常情。

人天乘，凡夫也。聲聞緣覺乘，小乘也。

今欲令凡小行人，等同大乘，與一佛乘之大菩薩，

同登報佛淨土，此義極深，故曰「**非我境界**」。

【至心精進第五】之三 (5/15)

三、法身與常寂光土，報佛與實報莊嚴土，境界高妙，非一般菩薩分內之常行。我可經無量劫，專精修習，而證得之。但我當下尚非其分，故曰「非我境界」。

法藏菩薩此答，雖有不同之三義，但總是「拋卻己分，專歸佛力」。

「非我境界」四字，即是拋卻己分；
請佛明示，即是專求佛力也。

【至心精進第五】之三 (6/15)

上文中世間自在王如來答曰：「**汝自思惟**」、「**汝自當知**」、「**汝應自攝**」，此三個「**自**」字皆直指當人自性，開顯妙心，正《觀無量壽經》中「**是心是佛**」之玄旨。但欲一切眾生**內重己靈**。明此根本，方能生起無量無邊自覺覺他之妙行。今法藏菩薩再請曰「**非我境界**」，請佛廣演，
是即**外慕諸聖**也。

峻諦師曰：「此乃法藏菩薩自開**他力門**也。」此語道破淨宗玄微，世稱淨宗為**他力法門**。淨宗所以能三根普被，一生成辦，凡夫二乘例登不退，皆仗彌陀一乘願海、六字洪名之力，此即**仗他力**。

【至心精進第五】之三 (7/15)

淨宗之所以究竟方便者，
即以彌陀無上果覺，作為眾生因地初心，
因達果海，果徹因源，因果同時，感應難思，
此又是他力之妙用。更加以外聖易信，己靈難明。
是以具縛凡夫但能信

「有世界，名曰極樂，其土有佛，號阿彌陀」。
深信此兩個「有」字，切願往生，一向持名，
即可如願，逕登不退。是乃凡愚所同能，
若獨言究明自心，則唯上智所堪任。
法藏菩薩於因地中，悲願宏深，開顯此他力法門，
是以世稱彌陀乃大願之王。

【至心精進第五】之三 (8/15)

又密宗亦是他力門，同屬果教，皆是從果起修。此殊勝難思之他力門，正是彌陀悲願至切處，亦正是淨密二宗方便究竟處。

蓋自他本來不二，肯仗他力，即是於此難信之法能生淨信。

難信能信，全由當人之無上智慧，此即是自力。

但能信入，老實念去，自然能所兩忘，自心朗現。從事持達理持，即凡心成佛心。淨宗之妙，全在於此。

【但能信入】

如何名「**信入**」？

須知、須信：

無量壽、**光**是**本覺**之**體**、**用**，

起心念佛為**始覺**；

聲聲喚醒自己，念念不離本尊，

即凡心成佛心，自他不二，

佛之無量清淨功德妙用，

全在自心念佛中開顯出來。

【至心精進第五】之三 (9/15)

法藏白言：斯義宏深，**非我境界**。
惟願如來應正徧知，廣演諸佛無量妙刹。
若我得聞，如是等法，**思惟修習**，**誓滿所願**。

法藏菩薩陳明「**非我境界**」後，

乃啟請世間自在王如來，

為之廣說諸佛之無量勝妙刹土。

我若得聞，如是等等妙刹及其攝取之法，

我當**思惟修習**，**誓當圓滿**我之**所願**。

【至心精進第五】之三 (10/15)

世間自在王佛知其高明，志願深廣。

「高」者，上也，崇也，遠也。

「明」者，光也，照也，通也。

《會疏》曰：「高明約具德。深廣約願心。」

謂持戒禪定，超勝世間，故謂高。

方便般若，照究諸法，故謂明。

遠徹來際無撓（謂能遠究達於

未來之極處，而無阻撓），故謂深。

周攝一切無遺，

故謂廣也。」

【至心精進第五】之三 (11/15)

即為宣說二百一十億諸佛刹土，
功德嚴淨、廣大圓滿之相。
應其心願，悉現與之。說是法時，經千億歲。

「即為宣說」，表佛說法。

「悉現與之」，表佛現土。

世間自在王佛宣說示現二百一十億諸佛刹，
功德嚴淨、廣大圓滿之相。

「嚴淨」者，莊嚴清淨也。

「圓滿」者，「圓」為周遍之義，性體周遍為圓。
「滿」者，具足之義。

故「圓滿」亦作「圓足」。

故知「圓滿」即華嚴宗圓明具德之義。

【至心精進第五】之三 (12/15)

「二百一十億」，此有疑曰：若法藏菩薩當時所見限二百一十億之數量，何以又云所攝佛國「都勝無數諸佛國者」。此有二答。

- 一據《華嚴經華藏世界品》意，佛刹無量，總有二十重，其圍繞刹數即二百一十微塵數。今此經中，亦以二百一十標示刹土之數，暗合《華嚴》義，即含攝十方無量之國土。
- 二《大智度論》云：「阿彌陀佛先世時作法藏比丘，佛將導遍至十方，示清淨國，令選擇淨妙之國，以自莊嚴其國。」由是思之，經意乃以二百一十億刹，表十方佛刹。

【圍繞刹數二百一十微塵數】

(一個) 世界種有二十重 (世界) :

第一重世界，有一佛刹微塵數之世界周匝圍繞；

第二重世界，有二佛刹微塵數之世界周匝圍繞，

……乃至

第廿重世界，有二十佛刹微塵數之世界周匝圍繞。

參考下圖。

「二百一十億諸佛刹土」

$(1+2+3+\dots+19+20) = 210$ 。「億」表大數。

一個世界種

普照十方熾然寶光明世界種


一 浮 幢 佛 利 圖


妙寶燄世界福德相光明佛
 清淨光普照世界普照佛
 離塵世界無量方便最勝幢佛
 徧照十方世界無礙智光明佛
 清淨光徧照世界清淨日功德眼佛
 眾妙光明燈世界不可摧普照幢佛
 寂靜離塵光世界徧法界勝音佛
 娑婆毘盧遮那佛極樂世界
 光明照耀世界超釋梵佛
 帝青寶光明世界無量功德法佛
 金剛幢世界一切法最勝王佛
 出生妙音世界清淨月光明佛
 出生妙音世界清淨月光明佛
 眾妙淨光世界香光喜力海佛
 妙淨光世界香光喜力海佛
 光明花嚴世界金剛光明佛
 寶莊嚴世界師子光佛
 香蓮花世界離垢燈佛
 最勝光世界
 世界種

種上有二十重世界十三重是娑婆

一切摩尼王莊嚴蓮花

無邊妙花光香水海





十方刹海圖

摩尼寶
照曜莊嚴
世界海

閻浮檀金
玻黎色幢
世界海

毘琉璃蓮
花光圓滿
藏世界海

寶光照曜
世界海

清淨光
蓮花莊嚴
世界海

蓮花藏莊
嚴世界海

可愛樂
寶光明
世界海

金莊嚴瓏
璃光普照
世界海

一切寶月
光明莊嚴
藏世界海

日光徧照
世界海

蓮花香
妙德藏
世界海

【至心精進第五】之三 (13/15)

至於所說之二百一十億佛土，
為限於清淨國土，抑亦兼及穢土？

古德根據經文中「天人善惡」，「國土麤妙」，
有兩異說。

一者《嘉祥疏》云：

「二百一十億佛土，善因雖有強弱之分，
然所招之土，同是七寶國土之粗妙應現。……
粗之言大，妙之言美，
明所現二百一十億皆是大善之土耳。」

據嘉祥師意，所現唯淨。

【至心精進第五】之三 (14/15)

二者，通現淨穢土。

《淨影疏》云：

「粗，不精也。說惡說粗，令其捨遠。
說善說妙，使其修習。」

是則所說二百一十億佛土，有淨有穢也。

憬興、義寂、玄一、望西諸師，亦俱云通穢。

《悲華經》曰：

所現佛國「或有世界嚴淨妙好，
(乃至)或有世界有大火災。」

是為兼有穢土之明證。

【至心精進第五】之三 (15/15)

又所現佛土，有報有化。

《悲華經》曰：

「或有世界純諸菩薩摩訶薩等遍滿其國，
無有聲聞緣覺之名。」是報佛之土也。

又「或有世界清淨微妙，無諸濁惡。」

是則化佛之淨土也。

爾時世間自在王如來，「應其（指法藏比丘）心願」，
將此二百一十億佛國報化淨穢諸土之相，

「悉現與之」，令其得見。

「說是法時，經千億歲」，

以表說法現土之詳盡，亦顯時間延促無礙。

至心精進第五・科判

一、法藏宏願請法，勝諸佛國，願能滿否？

法藏比丘，說此偈已……
諸佛國者，寧可得否？

二、佛答必得。一切不離自心故，須自知自攝。

世間自在王佛……
清淨佛國，汝應自攝。

三、再度啟請，如來為說。求法得法。

法藏白言：斯義宏深……
說是法時，經千億歲。

四、依法修持，思惟修習五劫，成就大願。

爾時法藏，聞佛所說……
所攝佛國，超過於彼。

五、如來深喜，教令宣揚。

既攝受已，復詣……
滿足無量大願。

【至心精進第五】 經文之四（夏會本）

爾時法藏聞佛所說，皆悉覩見，
起發無上殊勝之願。

於彼天人善惡，國土麤妙，思惟究竟；
便一其心，選擇所欲，結得大願。

精勤求索，恭慎保持，修習功德滿足五劫。

於彼二十一俱胝佛土功德莊嚴之事，
明了通達，如一佛剎，所攝佛國超過於彼。

【至心精進第五】 經文之四（魏譯本）

時彼比丘聞佛所說嚴淨國土，皆悉覩見。

超發無上殊勝之願，
其心寂靜，志無所著，一切世間無能及者。

具足**五劫**，思惟攝取莊嚴佛國清淨之行。

阿難白佛：「彼佛國土壽量幾何？」

佛言：「其佛壽命**四十二劫**。

時法藏比丘，攝取**二百一十億**諸佛妙土，清淨之行。

【至心精進第五】之四 (1/20)

爾時法藏聞佛所說，皆悉覩見，起發無上殊勝之願。

「覩」亦「見」也。

《甄解》云：

「覩則眼見，見則慧見。如見分見，取推求照察義。」

蓋謂「覩」指眼見，「見」指慧見，

即如唯識中「見分」所指之見，

以「推求」與「照察」為義。

今云覩見，則兩者俱備。

當爾所時，法藏比丘於世間自在王佛
所現二百一十億佛土，盡皆目覩心明。

【至心精進第五】之四 (2/20)

或疑法藏比丘在因地中，
何能遍見十方諸佛淨妙國土。

答曰：《法集經》云：

「菩薩摩訶薩，得彼諸佛如來天眼。」

又《大智度論》曰：

「天眼徹視，則不動而遍至。

十方不來，比丘亦不往。

如佛天眼故，十方國土皆悉一時覩見也。」

據上經論，可知法藏菩薩摩訶薩，

承世間自在王如來威神加被，得如佛之天眼，
故能不動而遍見十方，於佛說國土皆悉覩見。

【至心精進第五】之四 (3/20)

爾時法藏聞佛所說，皆悉覩見，起發無上殊勝之願。

「起發無上殊勝之願」者，

「起」亦是發義。

更無有上，是曰「無上」。

「殊勝」者，事之超絕希有者，曰「殊勝」。

《會疏》曰：

「無有此上，故云無上。超勝諸願，故曰殊勝。

謂莊嚴無上故，受樂無上故，光壽無上故，

名號無上故，生因無上故，利益無上故。

是總四十八願大體。」

【至心精進第五】之四 (4/20)

於彼天人善惡，國土麤妙，思惟究竟；

「天人善惡」。判定善惡之性，諸說不一。

茲撮要介紹如下：

- 一、《菩薩瓔珞本業經》以順第一義諦為善，
違第一義諦為惡。

經曰：「一切眾生識，始起一想住於緣。順第一義諦起名善，背第一義諦起為惡。」
經云第一義諦，即真諦、聖諦、勝義諦、真如、實相、中道等，亦即實際理體。諦者，真實之道理。此道理為諸法中第一，故云第一義。若眾生起一念順理體為善，背理體為惡。此之判定，以理體為準。

【至心精進第五】之四 (5/20)

二、《唯識論》

以順益此世他世之有漏無漏行法為善，
於此世他世違損之有漏行法為惡。

論曰：

「能為此世他世順益，故名為善。
人天樂果，雖於此世能為順益，非於他世，故不名善。
能於此世他世違損，故名不善。
惡趣苦果，雖於此世能為違損，非於他世，故非不善。」
是以順益與違損而判定善惡者。

【至心精進第五】之四 (6/20)

三、淨影判三種善惡：

(一)「順益為善，違損為惡。」此與《唯識論》同。

(二)「順理為善，違理為惡。」理者，無相空性也。

例如行布施，

若能於施者、受者及所施物，皆體空無物，
是順於理，無相之行，是為善。

若有所施、能施及所施之物，存於意中，
是為違理，有相之行，即為惡也。

如是則上從佛菩薩，下至阿羅漢，所修之善法名善。
人天眾生所修之善法，都是有相行，名之為惡。

【至心精進第五】之四 (7/20)

(三)「體順為善，體違為惡。」

此與(二)相兼，亦同於《瓔珞》。

法界真性為己自體，體性緣起而成行德。
所行只是自體，心無所緣，
隨心所欲而不越軌，是名為善。

真修之善行，是善

依此，則無論凡夫、二乘，
縱上至三乘（聲聞、緣覺、菩薩），
凡是緣修之善行，俱名為惡。

【善惡】

《維摩義記》卷3〈入不二法門品 9〉：

善不善二，反舉二相。分別有三：

一約情說。違損下沈名為不善，順益上昇目之為善。

若從是義，凡夫十惡名為不善；

從凡至佛，一切善法悉名為善。

二望理說。違理不善，順理名善。

若從是義，凡夫一切三性之業，取性心起，

悉名不善三業；賢聖所修善法，方名為善。

三望實說。佛性是實。望彼佛性、如來藏、法性，

違不善；體順是善。若從是義，

凡夫諸業乃至三乘緣治善法相順，性違悉是不善；

諸佛菩薩真證善法，方為善。善惡兩分，故名為二。

【至心精進第五】之四 (8/20)

四、天臺宗立六種善惡：

(一)人天之善。五戒十善之事，善也。

然人天之報盡，還墮於三惡道，故亦為惡。

(二)二乘之善。能離三界之苦，故名善。

然但能自度，不能度他，故亦為惡。

(三)小乘菩薩之善。慈悲兼濟，故是善。

然未斷一毫之煩惱，故名為惡。

(四)通教三乘之善。三乘同斷見思之煩惱，是為善。

但墮於二邊，不見別教中道之理，

未斷一分之無明，故亦為惡。

【至心精進第五】之四 (9/20)

(五)別教菩薩之善。見中道之理，是善。

然猶為隔歷之中道，不能見圓教圓融之妙中，
所行帶方便，不稱於理，亦是惡。

(六)圓教菩薩之善。圓妙之理，是至極之善。

然此有二義：

一順實相之圓理為善，背之為惡。

二達此圓理為善，著之為惡。

著圓尚為惡，況復其餘。

上以達圓理為善，著圓理為惡，
乃天臺宗獨特之發揮，其義甚精。

【緣修、真修善行】 (1/2)

不假作意，與理體相應，任運而修，稱『真修』；

依真如理而起，有心有作之修，稱『緣修』。

緣修可視為真修之方便。此語原為地論師所用。

天台大師智顗

以隔真妄、破九界、顯佛界為緣修；

而以融真妄、絕破顯之意為真修。

又空假二智為緣修，

中道之觀智為真修。

【緣修、真修善行】 (2/2)

化法四教而言，

以通別二教為緣修，圓教為真修。

意即別教初地之前，圓教初住之前為緣修；

別教之初地，圓教之初住以上為真修。

又依圓教假立真緣二修，後世配以「六即」，

初住以前「相似即」為屬緣修；

初住以上「分證即」為真修。

如《觀經疏妙宗鈔》卷二：

「即心觀佛，託境顯性，雖得相似，尚屬緣修；

今則親證(分證即)，屬於真修。」

～《佛光大辭典》

【隔歷、圓妙中道】 (1/2)

《四教儀註彙補輔宏記》卷8：

別教雖明中道，為鈍根人方便說「中」。

次第顯理，廣明歷劫修行。……………

雖說眾生見聞覺知，體是佛性，而全起作三種之惑。

故須用此覺知之性，觀空破有，觀假破空。

待二均平，方照本性中道之覺。

故名方便次第顯理。

既有如此迂迴，故須經歷塵劫。

從初標志，次第修學。

恒沙觀智，破恒沙惑，顯如來藏恒沙性德。

【隔歷、圓妙中道】 (2/2)

《教觀綱宗》：

圓教，圓妙三諦

(非唯中道具足佛法。真、俗亦然。
三諦圓融，一三三一。)

開示界外利根菩薩，令修一心三觀，

(照性成修，稱性圓妙。

不縱不橫，不前不後，亦不一時。)

圓超二種生死。

(分段生死、變易生死)

【判斷善惡之標準】

類別	判斷標準	善	惡	所依經論
約情說	此世他世之益	順益上昇為善 (從凡至佛之善法)	違損下沈為惡 (凡夫十惡)	《成唯識論》
望理說	無相空性	順理為善 三輪體空之布施 (賢聖之善)	違理為惡 非三輪體空布施 (人天之善)	《大智度論》
望實說	第一義諦 實際理體 法界真性	順第一義諦為善 (真修之善行) (不假作意 任運而修)	違第一義諦為惡 (人天二乘菩薩 緣修之善行) (有心有作之修)	《菩薩瓔珞 本業經》

【至心精進第五】之四 (10/20)

於彼天人善惡，**國土麤妙**，思惟究竟；

「**國土麤妙**」。

「**麤妙**」已見前註，**麤**者不精，**妙**者勝妙。

義寂師曰：

「淨土之中有**麤妙**異。**麤**即變化，**妙**即受用。」

義為：淨土之中有**麤**與**妙**之不同。

麤者，有衰有變。

妙者，乃自受用或他受用之實報土。

【至心精進第五】之四 (11/20)

於彼天人善惡，國土麤妙，思惟究竟；

「天人善惡」者，因也。

「國土麤妙」者，果也。

人善則土妙，人惡則土劣也。

故《會疏》曰：

「夫國土者，即眾生之影響耳。

形脩（長也）則影長，形短則影促。」

蓋謂土之麤妙如影，身之修短為形，

因形定影，影必隨形也。

故《淨影疏》云：

「天人善惡，汎說一切諸土之因。

國土粗妙，汎宣一切諸土之果。」

【至心精進第五】之四 (12/20)

「思惟究竟；便一其心，選擇所欲，結得大願。」

法藏菩薩於諸佛國，善惡之因，粗妙之果，一一思量分別，窮深極微，達於究竟。

「究竟」者，即經中真實之際，

即一法句，清淨句，真實智慧無為法身。

乃專一自心，選擇度生所欲。

開化顯示，流出依正種種莊嚴，不可思議淨土法門。

得成大願，惠予眾生真實之利。

【思惟究竟】 (1/2)

法藏菩薩於諸佛國，善惡、粗妙之因與果，
一一思量分別，窮深極微，達於究竟→
通達真實之際、真實智慧無為法身。

《往生論註》卷2：

依何義，名之為法？以清淨故。

依何義，名為清淨？以真實智慧無為法身故。

真實無為法身者，法性身也。

法性寂滅故，法身無相也。

無相故能無不相，是故相好莊嚴即法身也。

無知故能無不知，是故一切種智即真實智慧也。

【思惟究竟】 (2/2)

幽谿傳燈《性善惡論》卷1：

究盡諸法實相。

所謂諸法，有如是相、如是性、
如是體、如是力、如是作、
如是因、如是緣、如是果、如是報、
如是本末究竟等。

正以十法界十如是諸法，皆是實相。

唯佛與佛具足究竟權實二智，
方能究盡實相之實、諸法之權。

【至心精進第五】之四 (13/20)

便**一其心**，選擇所欲，結得大願。

又「**一其心**」者，
即**一心**也，故本品名「至心精進」。

一心者，即**真如**也，
如《止觀》曰：「一心具十法界。」

又《探玄記》曰：「一心者，心無異念故。」

又《教行信證文類》曰：
「言一念者，信心無二心，故曰一念，是名一心。
一心則清淨報土真因也。」

正如本經**一心結得大願**，顯**一心乃報土真因**。

【一其心】 (1/2)

吳譯卷1:

「曇摩迦便一其心，即得天眼徹視，悉自見二百一十億諸佛國中諸天人民之善惡、國土之好醜。即選擇心中所願，便結得是二十四願經。」

漢譯卷1:

「法寶藏菩薩便壹其心，則得天眼徹視，悉自見二百一十億諸佛國中諸天人民之善惡、國土之好醜，則選心所欲願，便結得是二十四願經。」

【一其心】 (2/2)

魏譯卷1：「時彼比丘聞佛所說嚴淨國土，皆悉覩見。超發無上殊勝之願，其心寂靜，志無所著，一切世間無能及者。具足五劫，思惟攝取莊嚴佛國清淨之行。」

唐譯：

「法處比丘於彼二十一億諸佛土中，所有嚴淨之事悉皆攝受。既攝受已，滿足五劫思惟修習。」

宋譯卷1：

「彼作法苾芻，聞佛所說八十四百千俱胝那由他佛剎功德莊嚴之事，明了通達如一佛剎。」

【一心清淨報土真因】

《阿彌陀經疏鈔》卷3：

「空閒寂寞而一其心，在眾煩惱而一其心，
乃至褒訕利失、善惡等處，皆一其心者。是也。
事上即得，理上未徹；

惟得信力，未見道故。名事一心也。」

「德雲二十一念佛門，亦不出此理一心故。」

「〈華嚴入法界品〉，德雲比丘告善財言：

我得憶念一心諸佛境界智慧光明普見法門。

而復開二十一門。起於智光普照，終於住虛空。

今謂心外無境界，心外無智照，心外無虛空。

故不出一心，悉皆具足。《那先經》云：諸善之中，

獨有一心，最為第一。一其心者，諸善隨之，正此意也。」

【至心精進第五】之四 (14/20)

精勤求索，恭慎保持，修習功德，滿足五劫。

「精勤求索」。

漢吳兩譯，均作「勇猛精進，勤苦求索」。

故知「精」者，即精進義。「勤」為勤苦義。

又「求」者，願求也。「索」者，取也。

「恭慎保持」。

《漢譯》曰：「我當奉持，當那中住。」

「恭」者，敬也。「慎」者，謹也，誠也，靜也。

【至心精進第五】之四 (15/20)

精勤求索，恭慎保持，修習功德，滿足五劫。

《漢譯》「當那中住」，

即「恭慎」兩字之實義。安住中道，是真恭慎。

「保持」與「保任」同一保字，

宗門曰：「心心不異，謂之保。」

「持」者，行持也，又執也，

即《漢譯》之「奉持」也。

故知恭慎保持者，

乃自然敬肅，從容中道，心心不異，任運自持也。

【至心精進第五】之四 (16/20)

精勤求索，恭慎保持，修習功德，滿足五劫。

「修習功德，滿足五劫」。

《魏譯》云：

「具足五劫，思惟攝取莊嚴佛國清淨之行。」

《唐譯》云：

「於彼二十一億諸佛土中所有嚴淨之事，悉皆攝受。

既攝受已，滿足五劫，思惟修習。」

《宋譯》云：

「往一靜處，獨坐思惟，修習功德，莊嚴佛刹。

發大誓願，經於五劫。」

古德於此，頗有異解。

【至心精進第五】之四 (17/20)

精勤求索，恭慎保持，修習功德，滿足五劫。

一、淨影、憬興諸師，並以五劫為發願後之修行時。

《淨影疏》云：「依願起行」，

又「故彼法藏於一身中，在彼佛所，五劫修行。」

又《略箋》云：

「斯乃修行之時也。蓋五劫之間，思惟勵修。

修成滿所願之行。其既發願，不可無行。」

上皆明五劫為發願後修行時。

【至心精進第五】之四 (18/20)

二、明此為發願時。

《合讚》云：「五劫者，發願思惟之時節也。」

望西亦以為發願時。

《會疏》云：

「蓋夫菩薩建立淨土，猶如良匠建大城。

先沈思圖畫之。……五劫思惟，如圖畫之。……」

此以五劫思惟，喻如施工之前，先打圖樣。

故同於《合讚》，謂為發願時，而非願後修行時。

《甄解》亦同此說。

蓋諸家均據《魏譯》，上說正與《魏譯》相符。

【至心精進第五】之四 (19/20)

三、嘉祥師云：「於五劫中，修行發願也。」

此則雙舉修行與發願，兩者並舉，但以發願為趣，此正與《宋譯》相契。

《宋譯》中先曰：「思惟修習。」

後曰：「發大誓願，經於五劫。」

故知五劫之中，以清淨行，修習攝取佛土之大願，經歷五劫，大願方成。此亦正與今之會本相契。

本經中於「精勤求索，恭慎保持。

修習功德滿足五劫」之後，

方曰「所攝佛國超過於彼」，

正契於嘉祥師之說。故此五劫乃「修行發願」時也。

【清淨行攝取大願】

良忠《選擇傳弘決疑鈔》卷2：

問：為發願時，為修行時？答：發願時節。

所謂經云：具足五劫，思惟攝取莊嚴佛國清淨之行。

又次下云：我已攝取莊嚴佛土清淨之行。

案斯等意，指願名行。

謂彼菩薩五劫之間，攝取諸佛淨土行已。

詣彼佛前，述已攝取淨土之行。

而佛聽許令說所行，時彼比丘重白佛言：

唯願聽察，如我所願，當具說之，即說四十八大誓願。

故知清淨之行者即是發願，此乃因位。

若願若行，一切所行名以為行，非行願別論意而已。

例如十度行中有願波羅蜜。

【至心精進第五】之四 (20/20)

於彼二十一俱胝佛土功德莊嚴之事，
明了通達，如一佛刹，所攝佛國，超過於彼。

段中「俱胝」即千萬。 十萬.百萬.千萬.萬萬.億.十億.百億

法藏比丘，於五劫中，對於二百一十億佛國，
種種奇妙功德、殊勝莊嚴，與各各善惡粗妙之差別，
悉皆「明了通達，如一佛刹」。

經此長時思惟、選擇、修習、攝取，
於是結得大願，而「所攝佛國，超過於彼」。

此中「彼」字，指二百一十億佛國。

今法藏菩薩大願攝取之佛國，
實超勝於二百一十億佛國，亦即超踰十方佛土，
極表極樂淨土之超勝獨妙。

【如一佛刹】 (1/2)

參《妙法蓮華經》卷4

〈見寶塔品11〉三變國土：「通為一佛國土。」

〈如來神力品21〉：「十方世界通達無礙，如一佛土。」

《法華經通義》卷6：

「昭廓法身真境，以消二乘限量之心也。…

開佛知見，則一切根塵識界，廓然無礙。」

《首楞嚴經》卷4：「一為無量、無量為一」

《楞嚴經正脈疏》卷4：「先約理事無礙法界言之。

理不可分故，理惟一也。事無紀極故，事無量也。」

「次約事事無礙法界言之。…於華嚴疏十玄門中，

且收一多相容、諸法相即二門。

【如一佛刹】 (2/2)

事事無礙法界

如一塵、一毛、一身、一界，皆一也。

多塵、多毛、多身、多界，皆無量也。互為之義。

且就相即門說之：

一塵即多塵，一為無量也；多塵即一塵，無量為一也。
毛刹身等，一多相即，類此可推。

若收相容門，則改『即』字為『入』字，可以意得。

(此之即、入，獨約同類法言。

若異類交錯而言，則塵對毛刹身等，
或毛對塵刹身等，相即、相入，皆可類知。)」

至心精進第五・科判

一、法藏宏願請法，勝諸佛國，願能滿否？

法藏比丘，說此偈已……
諸佛國者，寧可得否？

二、佛答必得。一切不離自心故，須自知自攝。

世間自在王佛……
清淨佛國，汝應自攝。

三、再度啟請，如來為說。求法得法。

法藏白言：斯義宏深……
說是法時，經千億歲。

四、依法修持，思惟修習五劫，成就大願。

爾時法藏，聞佛所說……
所攝佛國，超過於彼。

五、如來深喜，教令宣揚。

既攝受已，復詣……
滿足無量大願。

【至心精進第五】 經文之五（夏會本）

既攝受已，復詣世自在王如來所，
稽首禮足，遶佛三匝，合掌而住。

白言世尊：我已成就莊嚴佛土，清淨之行。

佛言：善哉！

今正是時，汝應具說，令眾歡喜；

亦令大眾聞是法已，得大善利；
能於佛剎修習攝受，滿足無量大願。

【至心精進第五】 經文之五（魏譯本）

如是修已，詣彼佛所，
稽首禮足，遶佛三匝，合掌而住，白言：
「世尊！我已攝取莊嚴佛土，清淨之行。」

佛告比丘：

「汝今可說，宜知是時，發起悅可一切大眾。
菩薩聞已，修行此法，緣致滿足無量大願。」

【至心精進第五】之五 (1/4)

「既攝受已」乃承先啟後之文。

於是法藏菩薩復(詣)至世間自在王(如來所)佛處。

「稽首」，頭至地也。

「禮足」，以自頭接佛足。

隨即「繞佛」，亦是敬禮。

「三匝」者，繞佛三周；表作禮之殷重。

繞行後乃合掌(而)安住佛前，向佛稟白云：

「我已成就莊嚴佛土，清淨之行。」

「佛言，善哉」，此表法藏比丘之行，

深可聖心，暢佛本懷，廣應群機，故得歎許，而讚曰「善哉」，此佛深喜之辭也。

【至心精進第五】之五 (2/4)

「**今正是時**」。

《法華經》因時機成熟，**會三歸一**，
於三乘行者，咸頒大白牛車，皆入**一如來乘**。
為諸眾生開佛知見，示佛知見。
乃曰「**今正是時**」。

今經亦然，欲令十方九界眾生，
同入**彌陀一乘**大誓願海，一切含靈皆得度脫。
是故世間自在王如來告言：

「**今正是時，汝應具說，令眾歡喜；
亦令大眾，聞是法已，得大善利。**」

此表如來勸令宣說，普利大眾。

【至心精進第五】之五 (3/4)

「**大眾**」二字，廣攝當時會上及未來世之一切凡夫、二乘與菩薩（今日我等凡夫亦皆在其中），普令大眾得聞，發願往生，逕出生死苦海，故令大眾歡喜也。亦令大眾聞法得利，普發彌陀之願，學法藏之所行，攝取佛刹，滿足大願。

《淨影疏》曰：

「法藏自說已願，**令諸菩薩，學之同發。**」

又《會疏》云：

「**菩薩聞之，自發勇猛心。**彼既丈夫，我亦爾。

彼發妙願，我不爾乎？故能緣之滿足大願也。」

「**滿足無量大願**」，指能滿一切志願。

【至心精進第五】之五 (4/4)

又《往生論註》云：

「(節錄)滿足往生淨土一願，即一切志願悉滿足。

故云**滿足無量大願**。」

曇鸞大師（作《論註》）和盤托出諸佛心髓。

法藏菩薩**五劫**精勤求索之大願，

祇為眾生能真實發起**往生淨土**之一願。

故我輩末世凡夫，但能滿足此一願，

即與彌陀大願相應，便入一乘願海，

便與彌陀大願同體，故云即是**滿足無量大願**也。

何等方便，何等直捷，從果起修，直趨究竟。

不可思議，淨土法門。

雪廬老人淨土詩偈

供養萬般唯法上
一心佛句更希珍
眼前多少持名者
誰是報恩還債人



迴向偈

願以此功德，莊嚴佛淨土。

上報四重恩，下濟三塗苦。

若有見聞者，悉發菩提心。

盡此一報身，同生極樂國。